

3)

I.



# C A R T E L

## Der alten Teutschchen Kriegshäupter/

An die jetzige Teutsche ihre  
Nachkommen.

## Liebe Söhn/ Brüder vnd Nachherben:

**S**As thut es doch vonnohten/  
dass/wann ihr jekund auff sovil an-  
schenlichen stattlichen Zusammen-  
kunfftien / bey so herrlichen loblichen  
Ritterspilen / bey einander seydt/  
Ihr mehren theils nur die Römis-  
(:) schen/

## 2.

schen / Griechischen / ja auch wol Türckischen oder gar erdichtete Fabelhelden vnd Kriegsleute aussziehen lasset? Da ihr doch ewerm eygenen Volk vnd Nation billicher die Ehr sollet anthun / daß ihr ihre tapffere Thaten vnd heroische Namen euch sollet vor Augen stellen / auch wol unter ihnen eben so Mannliche thewre Helden / als in andern Landen/ zu finden.

Zu diesem Ende nun / vnd damit ihr euch ewrer Vorfahren / von denen ihr entsprossen / desto basz zu erinnern / vnd ihrer Tugend vnd Mannheit nachzufolgen: So sind Wir aus unsren Gräbern herfür kommen / Uns in diesen Ritterspilen alhier sehen zulassen / vnd über viel von andern auffgegebene Articul noch fermer zu bestreiten vnd zu erhalten.

I. Dass / ob wol ausländischer Völker tapffere Thaten zur Tugendt vnd Aufmunterung der Gemüter mercklich dienen: Dennoch der Vorfahren vnd Eltern einer Nation vnd Namens Exempel viel nutzlicher dazu sein / vnd ein edles Herz

3.

Hers dardurch mehr als durch ichtwas  
fremdes kan entzündet werden.

2. Dasz bey Ritterspilen vnd Auffzü-  
gen / an statt der erdichteten erzehlung  
vom Marte/ Venere/ auch vom Amadis  
vnd Palmerin/ warhaffte Geschichte bes-  
ser vnd nützlicher zugebrauchen / deren  
dann überal gnug vorhanden.

3. Dasz / gleich wie die berühmbten  
Römer ihr Sicherheit vnd Wolstand in  
die erhaltung ihrer alten/ läblichen/ wol-  
hergebrachten Sitten vnd Säkungen  
gestellet: Also auch wir Deutsche das vest  
vnd stath sollen halten / dasz unsers Vat-  
ters Glückseligkeit darin bestehe / dasz  
wir uns frembden Völckern vnd Sitten  
nicht unterwerffen / sondern zwar mit je-  
dermann gute Freund: vnd Nachbar-  
schafft/

4.

schaffst / aber doch vnser engene gute Ver-  
fassungen / Gebräuche vnd Gesäße / für  
vnser beste Macht vnd Schatz halten sol-  
len / &c.

4. Das wir alle rechte gute Teutsche  
vnd von dem edlen Alemannischen Ge-  
blüt entsprungen / ob wol ein widriges  
von frembden Geschichtschreibern will  
für gegeben werden.

## HARMINIUS.

2. MANNUS.	11. LUITPOLDUS.
3. WITTEKINDUS.	12. CAROLUS.
4. ORLANDUS.	13. WARAMUNDUS.
5. ARIPERTUS.	14. CIMMERIUS.
6. LOTHARIUS.	15. NASUA.
7. SVEBUS.	16. SICAMBER.
8. RUPERTUS.	17. BERTHOLDUS.
9. PIPINUS.	18. OTTO.
10. ARNOLDUS.	19. HENRICUS.